



長留集

孔劉合刻

七言律下目錄

庚辰人日雪霽岸堂試筆分韻二

首有序

蘭紅小部 草橋修楔招萬季野劉雨峰吳

鏡庵温鄰翼宋穉恭周秉節顧威寧陳健夫

吳元朗金素公李吉四俞叔音李丹崖陳履

仁李彙公分韻 岸堂予京寓也在海波寺

行其前有青廠乃先朝牧馬處 量移廣東

司員外留贈舊司同舍郎 送洪秋崖之淮

南 城西果廠張氏園亭晚眺 浦副工移

鐘小寓 過僧玉輪園亭贈其徒法雲閒雲

答李彙公 賦得相送柴門月色新在西

峰草堂同余鴻客蔡鉉升 答陳健夫問余

歸期 贈李丹崖 賦得三月正當三十日

蒙又上屢過岸堂賦此志感 楊恭士話

別 天壇道院與馬祖修話舊即以誌別

飲東臯渡影軒座客金素公朱翠亭僧杲山

賦詩送予予亦分韻留別 秋夜銀芝齋同

王古修金青子論詩 題陳履仁坐禪圖 天女

侍捧書 中秋猶不能歸岸堂賞月同譜兒賦

八月十六夜黃天御方伯父子招同吳鏡

菴金青子黃修士看月限韻 重過寶泉局

故吏胡景初留飲索詩 同吳鏡菴倪仲佩

金青子過南臺訪魯庵上人遇胡孟行查聲

山兩太史訂約再集 九日同吳鏡菴張曉

岩金青子張子鼎李丹崖兒子衍譜黑窰廠

登高 方伯黃天御招讌重陽同鄭遠公叅

政黃敬園戶部金青村文學步登高前韻

僧根潔招過白雲寺 冬日黃維平倪仲佩

金青子過南臺寺僧魯庵星庵別山欵留圍

爐茶話 劉綽然留飲天鹿齋同李剛主分

韻 冬日馬蘅園諫垣招集振雅堂燈下看

菊同余鴻客徐芝仙唐馭九馬祖修繼人分

韻 長至日劉雨峰招同黃自先孫愷士王

崑繩飲又來館分韻 西峰草堂圖 邢偉

人攜漢玉雙缸予攜內府金莖露酒過西峰

草堂留別 二月五日大雪喜汪半亭王植

夫過訪 枕上聞鶯有感 三月三日雨後

微寒不能郊遊劉雨峰招集又來館同吳仁

趾葉桐初吳鏡菴沈瀨亭分韻 張柱客招

同劉綽然陳健夫譜兒遊東臯看杏花 同

余鴻客葉桐初過洪秋岩凝齋看十二瓶花

王邸新築應教 吳赤霞徐芝仙邀遊韋

公寺看杏花同余鴻客翁尹若程禹三沈瀨

亭酒次與玉池公話舊 岸堂藤架下同朱

悔人朱字綠和韻 送史元賡之秦 九日

東臯宴集 送黃自先同寅之任澂江太守

餞席分韻二首 秋日出沙窩門走送黃自

先太守不及而止荒林小飲同吳鏡菴王古

修芮是山悵然分賦 題禹尚基江鄉釣叟

圖 壬午新正五日喜張子鼎過新寓留飲

人日新居同余同野金青邨王古修試筆

十六日晚劉雨峰同寅招飲看燈同吳鏡

菴吳仁趾陳履仁作 讀馬祖修憶梅詩追

念舊遊亦成二章 寒食招余同野汪半亭

樂塊然李聖俞金青子李丹崖楊恭士方一

峰陳子章集岸堂 送牧堂上人遊五臺

上巳同方一峰高一山兒衍譜南城黑龍潭修

禊 午日余同野移罇岸堂同陳子章汪半

亭泛蒲分韻 雨夜同余同野李聖俞小飲

適汪紫滄送燈花詩二十首席次共讀遂分

詠之 和蔡綱南贈扇原韻送之南還二首

九華燈七夕分題 送章木公返白門用

白門送別原韻 題劉雨峰畫照 李朗庵
中丞新修涿鹿西溪草堂吳赤崖葉桐初索
詩贈之用原韻 林秉文南旋寄壽乃翁集
庵 送僧入山還百丈石門 重陽前日送
馬種旃還金陵 張曉岩之河間 重九前
一日同陳健夫方一峰張曉岩黃交三家竹
巢集岸堂 燈前菊影 有事德水留別送
行諸友 早行涿鹿道上 訪謝方山留飲
寶店早行大雪 留謝西安石司空 歸

去 癸未元日拜母時母壽八十一歲 新

開北軒 同張曉岩樂塊然遊石門 山秋堂

漫興五首 戲和無題詩四首 甲申二月

二十四日大雪哭六姪衍楷時亡四日矣二

首 端午有感 時餓殍 載道 蘭堂觀蘭大宗翊宸

上公命題同家宏輿博士振路儲公西銘博

士顧天石章鼎可諸君分韻得崇字 九日

登大庭庫 勝果寺晚柳 東村漫興題二

姪衍樂齋壁 自壽二首 大宗翊宸上公

見惠藏酒志謝
寓任城南郭有感
風雨車中作
車投宿孫墅親家宋處士
過郡城灞口久立有感
歸家夜坐
三月大雪雪晴
清明北郊
看花至富村登亭亭山
午飯即馬鞍山
飲富村孟氏花園
魯城東北杏花下小飲
林西村前後杏花停車次兒
衍誌侍
冒雨尋顏村桃花
天晴再過顏村看桃花
車上吹簫飲酒
過魏東山先生墓正德朝刑部侍郎名紳
石門僧送楷芽
看後圃海

崇高五丈大三圍
明景泰時詹事祖手植
冒雨過石門山後由橫嶺口轉寺前
登玉笋峰
宿河夾店夜雨
阻雨宿紅廟村贈話耕堂主人
家緘三世令招同陳力菴西園叔看堂前牡丹
咏剪白羅花在北園賞牡丹時作
過桑園廢院
二姪衍渠邀過東莊看紅白薔薇時病目稍愈
遊昌平南山螺螄峪約友賞洙園芍藥
祖墓楷亭獨坐有感
南城樓看麥浪
獨遊南泉浮香亭述懷

樂師徐浩然客死濟南火化而歸詩以哭之

歲稔志喜同人分韻 除夕有感 丙戌

中春日偕弟姪飲洙園同顧天石分韻 路

經富村少憩沽飲 看洙園牡丹 東顧天

石 春暮遊聊園留贈主翁是日戲為鬪花

局 過真定訪劉雨峰太守 登陽和樓有

感 恒陽旅悶同弟佃野分賦 為劉雨峰

太守題卷 行役南來宿富村 獨遊水南

莊園亭 過西園叔西郭新築題壁 西園

叔西郭新樓避暑同陳力庵壁六叔分賦

聊園消夏同陳力庵太守西園叔分賦 之

平陽過固關 龍窩寺 過索洲鎮 太谷

署中族孫遠猷留飲觀劇有感 太谷署中

大雪畏寒之作 平陽署中送李瞻園進士

還漢陽 平陽郡署主人贈袍 除夕平陽

署館同吳青霞劉岩遇弟佃野分韻 戊子

元旦客平陽 正月二十日填倉詩 是日閉門飽食曰填

倉可厭鼠耗或用二十五日 正月三十日送窮詩 二月朔

用二十五日

日同吳青霞劉岩遇遊龍子祠分韻二首

清音亭

在龍子祠前
子有亭記

金龍池

在龍子
祠後

平陽署

中同吳青霞劉岩遇弟佃野夜集即景和蘇

詩二月三日點燈會客韻四首 平陽春夜

官署西堂同劉岩遇吳青霞高大立錢蔗山

限韻 中春夜月 二月過樂圃同李子凝

看牡丹為顏肅之題壁 遊大梁贈徐太守

過儀封訪學正族孫留宴端午 贈張鍊

師 過睢州 宿郟城喜晤温載湄邑令

拜光武祠堂

前有攀
倒井

安陸步月過玉橋

題

黃鶴樓後白雲樓 遊黃鵠山冠霞亭 遊

洪山寺 臘月望日坐雨黃鶴樓喜家弟佃

野同楚客尤孔鑄章明旦翟柴門張耀宇攜

具來陪吹笛聯吟小飲成醉 武昌幕府喜

遇裘殷玉稿多填詞二首 登晴川閣 再

到黃鶴樓題陳鍊師壁 贈武昌館主尤孔

鑄 除夕晴川閣看雪東李希文萬仰之兩

太史 庚寅武昌開府元旦獨坐 小齋瓶

長留集孔
梅折枝徑丈 紀夢 有序 拜泰山三賢祠

有感 再晤陳射文 大庭庫送陳新庵劉

荻江 青州法慶寺喜遇荆庵和尚話舊

萊郡九日二首 萊署秋夜 東萊二首

東齋夜坐同齊萬野楊慮山話心 移出萊

署東齋詩以別之二首 移館考院和壁間

學使者韻 甲午元旦 登大庭庫望春

齋中盆梅 送汪蓉洲南歸步留別原韻

郊外小飲看杏花 兗郡息馬地龍蟠松

垂柳 殷祈章孝廉下第過訪曲阜留飲即

送南歸 海棠 尼山觀川亭 三月三日

佃野族弟招集溫泉修禊 上巳席散款留

野坐度曲賭酒 過聊園看牡丹小飲 顏

肅之招飲貯清館看剪白羅 鶯 聞子規

九日鄒蓀叔過飲草堂

曲阜孔尚任東塘

長留集 孔劉合刻

曲阜孔尚任東塘



遼海劉廷璣在園選

庚辰人日雪霽岸堂試筆分韻

人日招同人集岸堂試筆凡十度春風矣

今歲增絲竹一部預採西山柏葉煮易州

酒貯以翠斃巨缸剪綵為花簪筆滿牀屏

間金勝席上黃柑諸如菜盤煎餅從風俗

者事事皆備初五日折柬定約六日忽大

風雪興爲之阻七日早起白雪映簾紅日
上窗急命童子掃逕張筵豪興益新同人
不速皆來因分韻賦詩就者插花帽簷介
以柏酒小伶奏新聲侑之與讌者十八人
余鴻容浦副工徐聖遊李吉四顧威寧馬
祖修吳東岩徐芝仙金素公唐馭九李彥
繩李彙公洪秋崖李丹崖團雲蔚吳鏡庵
殷桐臯家竹巢詩俱成成俱佳即付梓人
予分得東青二韻

幾片殘梅滿院風寂寥書掩岸堂中纔揮桃扇春
無限更響銀箏趣不同柏酒斟來西嶺翠綵花開
出上林紅十年人日題詩客才盡江郎已老翁
簷垂金勝舞盈盈客裏逢辰興亦生文筆正宜人
日試春雲若爲草堂晴翻成白紵新歌譜傳得黃
柑舊宴名手捧椒觴懷壽母南陔詩就合吹笙
是日
遙祝
母壽

蘭紅小部

小部齊抽玉笋條相公曲子最魂銷纔開衣篋襟

多祗乍點笙簧字未調鶯會囀時猶費舌柳能眠
處已成腰詞人滿把拋紅豆扇影燈花開一宵

草橋修禊招萬季野劉雨峰吳鏡庵溫鄰翼

宋穉恭周秉節顧威寧陳健夫吳元朗金

素公李吉四俞叔音李丹崖陳履仁李彙

公分韻

童冠浴沂興未拋十年禊事此春郊燕臺亦有流
觴水洛社偏多戴笠交蘆漸肥時蛙試鼓泥纔香
處燕修巢莫愁籬外紅塵滿付與垂楊掃地梢

岸堂子京寓也在海波寺街其前有青廠乃

先朝牧馬處

朝朝吟嘯此堂階一架藤蘿愜旅懷青草官田隣
馬苑海波蕭寺接天街更翻題句無閒壁緩急供
茶少積柴彈指十年官尚冷踏穿門巷是芒鞋

量移廣東司員外留贈舊司同舍郎

仙郎氣味淡如僧掩幔寒春几共凭風動押簾飄
細雪火添炙硯解堅冰官厨一飯心常愧郎署三
年道未增正好從君論古史鶯花隔院恨層層

送洪秋崖之淮南

桃花春漲指宣房，別我何須淚滿裳。
江縣看雲鬆玉轡，驛樓題句掃苔牆。
幾行晴柳催人困，一路風帘蕩酒香。
尋得何郎開水榭，時新櫻筍讓君嘗。

城西果廠張氏園亭晚眺

鳳城西隔一重門，舊是宜春下苑村。
柳影花光連塔頂，水田烟渚到山根。
空亭有客吹橫笛，亂塚誰家奠冷尊。
似過江鄉寒食路，不須風雨亦消魂。

浦副工移罇小寓

朱門深處憶烟蘿，款段衝泥三里過。
聲應谷鶯詩靜好，面含春酒氣冲和。
登堂但歎官如此，握手還看鬢若何。
無米正愁風雨甚，行厨移到慰蹉跎。

過僧玉輪園亭贈其徒法雲閒雲

一家開士結天親，能守輪公在日貧。
破院經臺蛛抱網，空堂祖像眼生塵。
不留衣鉢門風大，別有鶯花教旨新。
我已收帆離宦海，當前都似故山春。

答李彙公

軒蓋渾如一葉輕，纏綿難解是交情。
拚斟婪尾全

無量代賦離騷最不平贈我將尋何地柳留春偏
喚此時鶯離亭且話歸田興世事紛紛久自明

賦得相送柴門月色新在西峰草堂同余鴻

客蔡鉉升

停車暫與故人親莫負空庭月一輪照見疎花纔
弄影轉來濃樹不遮鄰三杯已散離筵酒百手難
牽去國身未必還同良夜醉低徊門巷各沾巾

答陳健夫問余歸期

夢裏辭官又送春無端賦別最傷神藤蘿覆座今

年盛賓客開尊幾個親纔散橋南臨水社偏來灞
上贈詩人朝朝問我東歸信淚灑楊花一路塵

贈李丹崖

攀留莫訝淚潛潛記得垂髫便往還每日香聞蘭
竟體十年眼見玉成山花村携手何曾解月夜催
詩亦未閒已謝浮名無一事惟君別恨最難刪

賦得三月正當三十日

浪仙留得苦吟題勸我今宵待曉雞花盡還思風
遞信春殘最恨日沉西漫天芳草纔成綠接柳雛

鶯未倦啼誰許東君容易去短長亭上手須攜

蒙又上屢過岸堂賦此志感

紅塵隊裏跡偏稀常到城南訪杜韋送酒樽尋黃
菊徑蹋花馬認綠蘿扉忽驚人去堂無主不覺心
傷淚滾衣我是殘雲離洞久爲君惆悵亦須歸

楊恭士話別

歸歟未遂已春殘相見無言意暗酸折柳詩情同
怨鳥執經友道比芳蘭不留名姓還留宅難別知
交易別官手底藤蘿如此大裁時曾記爾來看

天壇道院與馬祖修話舊即以誌別

手解朝衣到上方蕭然雅會不能忘羽人琴調隨
泉冷道院松花蘸酒黃苦憶江南搜畫卷閒吟洛
社借書堂前年乞我還山序我去君留更斷腸

飲東臯渡影軒座客金素公朱翠亭僧杲山

賦詩送予予亦分韻留別

水漲清溪一帶村輕舟容易到柴門秋槐落巷花
慵掃幽竹圍窗影任翻照眼閒雲成客路驚心急
管是離樽家園僻在東蒙下攜去新詩無伴論

秋夜銀芝齋同王古修金青子論詩

夜坐空齋衣未增羈愁觸景幾多層窗塵暗暗前
年紙檐影垂垂舊本藤細響蟲偏愁暮雨新涼人
好就秋燈連牀一夜滄浪話不說詩禪第二乘

題陳履仁坐禪圖

天女捧書侍

兀坐蒲團似古賢五陵豪氣尚翩翩深秋瘦馬銅
街走半夜清鐘粉署眠慧業何曾刪綺語灰心未
必認空拳氤氳一縷真香散天女來窺居士禪

中秋猶不能歸岸堂賞月同譜兒賦

簫鼓先驚羈旅魂烟蘿滿院又黃昏休官不候趨
朝漏有子能陪賞月罇巷小人稀多露氣階空雨
過剩苔痕自憐扶病秋衣薄貪看清光晚閉門

八月十六夜黃天御方伯父子招同吳鏡菴

金青子黃修士看月限韻

徂徠尚有一枝棲回首鶯花是舊題逐客秋來衣
冷煖空堂社後燕東西今宵看月輪仍滿明日還
山路已迷曾記諸侯開幕府桂花香裏手偏攜
重過寶泉局故吏胡景初留飲索詩

節近重陽雨氣收
郎臺高宴集名流
霜彫林葉翻成畫
蝶戀籬花不似秋
拜母英雄來管晏
侑觴詞賦出錢劉
誰知破袖衝風客
又過銅山說舊遊

同吳鏡菴倪仲佩金青子過南臺訪魯庵上人遇胡孟行查聲山兩太史訂約再集

孤雲遠水自生幽
不接侯家邸第樓
槐葉落時天易晚
蓼花多處地偏秋
閒身已與青山近
老伴須從白社求
便解歸裝同住此
贊公房裏省交游

九日同吳鏡菴張曉岩金青子張子鼎李丹

崖兒子衍譜黑窰廠登高

還來此地望烟城
人事浮雲景未更
野渚衰蘆隨水臥
秋原落日與雲平
不堪襯菊霜盈鬢
儘可酬詩酒半鐙
料得今年歸計就
登臨且緩憶鄉情

方伯黃天御招讌重陽同鄭遠公叅政黃敬

園戶部金青村文學步登高前韻

秋雲隔絕九重城
客路涼暄看改更
破帽已拋歸未晚
高臺不上恨難平
盤糕舊事留詩卷
籬菊新香入酒鐙
同坐華堂吟節物
羈人偏動古今情

香入僧根潔招過白雲寺
停車蕭寺幾回遊居士於今號四休
菊蕊香濃入憶酒蓼花紅落雁驚秋
席兼離會沾襟淚城隔鄉關觸眼愁
許我歸田歸不得津門空有向南舟
冬日黃維平倪仲佩金青子過南臺寺僧魯庵星庵別山欵留圍爐茶話
南臺幾度飯香厨只有山僧戀老夫
洗鉢敲冰頻供茗垂簾撥火共偎爐
孤臣心與江湖遠破寺禪如草木枯
一任風多塵滿壁詩中名姓有人呼

劉綽然留飲天鹿齋同李剛主分韻

墻東避世似山岩養鶴籠邊草不芟
高臥老猶懷幼子深居冬亦着春衫
眼看塵世無窮劫手續丹經未了函
偏我今年歸計就胡麻一飯隔仙凡

冬日馬蘅園諫垣招集振雅堂燈下看菊同

余鴻客徐芝仙唐馭九馬祖修繼人分韻

重陽節過客徘徊喜見黃花入屋栽
盆對枕衾連夜賞雪封簾幙一冬開
不堪瘦影搖明燭尚有濃香撲煖盃
悵望東籬零落久朱門席散未歸來

長至日劉雨峰招同黃自先孫愷士王崑繩
飲又來館分韻

日添宮綫影分明便覺春從盃底生泥酒形骸衰
脫盡羸人盧采口呼成閒曹賀節新羔黍長夜消
寒老弟兄何處陽回同看取紅花一穗結燈檠

西峰草堂圖

出城韋杜草堂存似住江南黃葉村薄薄山嵐鋪
紙帳重重增影壓柴門踏多秋徑鞦生蘚灌久春
畦樹露根巷外朱輪常借問鄰翁始訝姓名尊

邢偉人攜漢玉雙缸予攜內府金莖露酒過

西峰草堂留別

老眼看春不似初詩名還在故人廬舊藏竒器傾
名酒新得高明領異書蓬逕荒時常廢掃菜畦寒
處未開鋤十年蹋慣西峰草從此青鞋再到疎

二月五日大雪喜汪半亭王植夫過訪

抱膝方歌行路難雪浸客鬢老長安不防春冷裘
先敝儘耐人饑竈更寒獻歲椒花還剩酒薦新生
菜未登盤偏來乘興王猷棹撥我鄉愁大半寬

枕上聞鶯有感

閒眠寂靜似江村鶯語偏消久客魂三月殘春留
紫陌五更微雨過朱門花濃省院鐘初歇柳暗河
橋酒未溫喚我出城聲宛轉交情薄厚爾能論

三月三日雨後微寒不能郊遊劉雨峰招集

又來館同吳仁趾葉桐初吳鏡菴沈瀕亭

分韻

鳳城三月柳濛濛人約尋春路向東微雨偏沾芳
草地輕寒猶怯杏花風何須曲水流盃底自有群

賢到社中粉署張筵修禊事詩成亦與永和同

張柱客招同劉綽然陳健夫譜兒遊東臯看

杏花

東臯烟樹隔車塵攜手來看正好春入畫亭臺金
粉淡罷官裙屐水雲親常教松掃吟詩壁自有花
鋪臥酒裯袖掩斜陽歸興嬾半開紅杏在西鄰

同余鴻客葉桐初過洪秋岩凝齋看十二瓶

花

換得東風幾樣粧一枝花是一林塘青袍不侍披

香殿白髮從看碎錦坊
值日長瓶多次第
司春小史有閒忙
屏山曲裏紅塵遠
便似移家住洛陽

王邸新築應教

纔種東園半嶺松
飛烟灑雨翠重重
樓頭鶯報官窗曉
牆上花連苑樹濃
剪得匡廬瀑布水
移來巫峽插雲峰
攤書靜坐晴軒裏
誰識王喬世外蹤

吳赤霞徐芝仙邀遊韋公寺看杏花同余鴻

客翁尹若程禹三
沈瀨亭酒次與玉池公

話舊

儘我閒身看水雲
出城花事正紛紛
岐王話舊詩多感
洛客傷離酒易醺
半里紅霞遮店舍
滿天香雪落裾裙
白頭重識韋公寺
留戀殘春到夕曛

岸堂藤架下同朱悔人朱字綠和韻

風雨年年一草堂
濃陰侵夏似山鄉
生苔墻壁籠詩滿
引蔓藤蘿接座長
有酒能開窮鬱結
無官不禁老疎狂
故人重理燈前課
肯教風流讓李王

送史元賡之秦

秦川魯甸望迢迢
老淚難禁別賦挑
人旣離家隨

社燕書應無驛寄山樵黃紅樹裏出城路霜月籬
邊載酒瓢歸計未成先送客一生魂向此時消

九日東臯宴集

今年又悞釣生涯幾度登臨客恨加驚見松成還
載酒忍當菊放不思家紅萸席上人難聚黃葉林
梢日易斜別語叮嚀秋水路相看雙鬢似蘆花

送黃自先同寅之任澱江太守餞席分韻

酒勸秋堂暮雨中十年郎署與君同隨朝攜破籠
香袖問字看成洗硯童未出城時無柳贈到回鴈

處有書通漫愁南詔知交濶我已身輕任轉蓬

攜琴誰似使君閒每借之官遠看山秋路詩囊蟬

噪裏春林酒幔柳風間嶺開關索民如舊花放河

陽縣一般應學文翁修講舍江城烟雨未全蠻

秋日出沙窩門走送黃自先太守不及而止

荒林小飲同吳鏡菴王古修芮是山悵然

分賦

東城曉出客愁新馬踏槐花送使臣別賦從教搔
白髮秋泥竟未滯朱輪村荒驛古舟何處葉落蟬

鳴酒數巡官柳不關人聚散攀條空復淚沾巾

題禹尚基江鄉釣叟圖

曾掛蒲帆問隱淪江南風物半漁村磯頭白鷺知
魚性船尾青苔驗水痕纜起巖廊新釣叟難忘蓑
笠舊王孫春城多少蓬瀛景自寫淮鄉竹裏門

壬午新正五日喜張子鼎過新寓留飲

今宵剩有歲囊錢重煮屠蘇滿竈烟爆竹催春驚
老客梅花帶臘入新年換符門戶卑於舊投刺冠
裳冷似前不借聯吟消旅悶空齋乍臥那成眠

人日新居同余同野金青邨王古修試筆

七日晴光不易逢草堂簷底乍回冬筆簪巧勝裁
文賦手擘香柑泛酒鍾客榻又隨新舍掃朝衫仍
付舊塵封誰知春到鶯花第留得閒吟一老農

十六日晚劉雨峰同寅招飲看燈同吳鏡菴

吳仁趾陳履仁作

十年攜手看京華燈節頻逢興未差暫解春愁離
客鬢還留詩句在官衙黃柑香染深盃酒紅蠟風
搖軟幘紗便似江南風景好何須抵死憶梅花

讀馬祖修憶梅詩追念舊遊亦成二章

花前曾醉送行盃老對東風憶早梅萬樹斜臨閒
水種一枝橫傍野籬開誰尋午店新紅幔自夢春
橋舊綠苔驛路三千消息杳江南零落使人哀
樓臺化作秣陵塵路入江關別是春載酒來從千
里棹愛花栽自六朝人不分雪月迷離影剩有黃
昏淡遠神處士吟詩留洛社空山寂寂與誰鄰

寒食招余同野汪半亭樂塊然李聖俞金青

子李丹崖楊恭士方一峰陳子章集岸堂

紛紛遊騎逐烟晴病客空齋酒漫傾厨冷不因新
禁火官休何用早聞鶯温涼衣換天多態錫粥筵
開節有情誰料催耕歸興阻杏花零落住春城

送牧堂上人遊五臺

層崖翠接蔚藍天百丈清風待皎然古雪難消山
北面春鶯嬾到寺東邊經包渡水何妨濕衲袖穿
花更覺鮮不比人間行路苦離情也廢一宵眠

上巳同方一峰高一山兒行譜南城黑龍潭

修禊

亂塚頽垣似野村人烟隔絕九重門纔流曉雨寒
留跡初染春波色有痕白髮聽殘多杜宇紅塵數
過幾王孫無窮興感逢今日但取蘭亭理共論

午日余同野移樽岸堂同陳子章汪半亭泛

蒲分韻

同時楚客各懷鄉綺席移來聚一堂簾裏看成兒
女節盃中聞得艾蒲香宮紗扇展風清午蜀錦葵
開花向陽何事繁愁消不去五絲纏在九迴腸

雨夜同余同野李聖俞小飲適汪紫滄送燈

花詩二十首席次共讀遂分詠之

瑣窗聽雨枕難安花結檠燈一夜看紅蕊豈堪簪
雪鬢金枝那得照銀盤頻開向我春心熱不剪從
他夜色殘笑卜歸期應有日偏教客淚此時彈

和蔡綱南贈扇原韻送之南還

輕裝容易出京華安穩烟波自泛家隈岸薰衣蘭
有臭臨流濯足玉無瑕紅窗小坐閨人近畫角閒
吹驛路賒行到白門秋未晚不妨書畫滯歸艖
滿眼浮雲幻莫窺逢君說破古今疑三年抱膝人

將老五月開帆事亦奇
燕市筑存歌變徵
淮陰飯罷忍朝飢
誰人能續分金約
渺渺還山未有期

子被

謫疑案綱南頗
知曾贈金慰予

九華燈七夕分題

九朵芙蕖品字同
冰絲懸在畫樓東
旋開艷影迎新
月不定柔枝顫
晚風照過銀河
千頃碧遮來繡
帳一層紅
年年此夕雙星會
人趁花燈路易通

送章木公返白門用白門送別原韻

蕭疎官路柳條長
繫馬何人送去航
涿鹿山窮烟

漠漠桑乾水苦葦蒼蒼
酒傾舊市重分手
詩採新秋未滿囊
准擬江帆收九月
茱萸插處客還鄉

題劉雨峰畫照

朝回每憶舊風流
寫出淮南一片秋
桐葉濃陰籠石榻
藕花清味撲瓷甌
多年畫省仙姿老
滿眼黃蘆水國愁
卷裏池臺非昔日
急須商酌向南舟

李朗庵中丞新修涿鹿西溪草堂吳赤崖葉

桐初索詩贈之用原韻

旋買林塘願不違
柳陰濃處有雙扉
踏開賈島新

吟徑掃出琴高古釣磯秋水紅蕖千葉放晴天白
鷺一羣飛堂中謝傅何曾老偶憶青山便許歸

林秉文南旋寄壽乃翁集庵

渺渺秋烟半畝宮黃農風土世難同松藏小閣眠
迂叟泉瀉孤亭洗醉翁但記村頭山近遠不知年
號晉西東佳兒來結金臺客收得遊仙詩一筒

送僧入山還百丈石門

苦行還山拄杖橫布衫着破不曾更誰添冷榻新
詩話自記空林舊寺名沙鴈驚風連陣落草蟲愁

雨徹宵鳴懸知去住僧無礙觸我浮雲未了情

重陽前日送馬種旃還金陵

節近登高無限情送君加倍客愁生樽前有話留
心腹詩裏何年忘姓名衰柳未離新潞水寒雲易
斷古燕城相看白髮分襟苦明日黃花醉不成

張曉岩之河間

菊花時節去匆匆剩我空齋聽草虫分手旗亭無
酒具出城柳驛入詩筒青天亂過當頭雁紅樹斜
吹觸背風一路傷秋還弔古河間衙是獻王宮

重九前一日同陳健夫方一峰張曉岩黃交

三家竹巢集岸堂

絡緯無聲巷柳疎望鄉正好賦歸歎愁沽小市三
升酒老對空堂兩架書白首貧交還肯過黃花秋
興不曾除客中嬾設茱萸宴明日登高借蹇驢

燈前菊影

自掌秋燈照晚粧宜疎宜密費商量雖從影裏搖
風露還向枝頭借色香縹緲詩情如我淡參差畫
意與松長清宵薄醉迷離眼不看銀瓶看粉墻

有事德水留別送行諸友

蚤起紛紛客勸餐北風揭幔曉堂寒幾年疎嬾縫
裘帶半日遲留借馬鞍行篋無錢翻膽壯離筵有
酒更心酸分攜未到消魂路別賦先裁一字難

早行涿鹿道上

一罇濁酒敵清霜生客連鑣結一行堡上牙旗迎
驛使店中茆火照騾綱過橋塵撲雙睛痛近海風
吹半面涼不見東山家尚遠曰歸未信解行裝

訪謝方山留飲

半路思君意緒荒
皤然相見感行藏
詩從別後鈔
千首樹自歸來種
兩行買酒論心開
小閣呼兒聽
話侍匡牀
丈人留榻無窮意
慚愧征夫看夕陽

竇店早行大雪

草榻柴爐一夜眠
開簾曉雪白連天
酒遮老面纔
能出風透重裘
若未穿描粉林梢
全幅畫鋪雲山
春幾層綿漫漫
古道無深淺
馬試寒蹄策不前

留謝西安石司空

白髮平原最愛才
新桃舊李滿門栽
關糧養士恩

誰報市馬分金意
可哀紙卷高充堂
素壁墨池橫
染砌蒼苔書
追義獻成何事
羨我東歸治艸萊

歸去

積雪微寒不透裘
自斟別酒盡三甌
難攜畫篋留
甥看亂揭詩箋
聽客收整轡
頻探門外面
束裝又到榻前頭
故山今日真歸去
上馬吟鞭急一抽

癸未元日拜母時母壽八十一歲

飲罷屠蘇待曙暉
寢門早侍已開幃
能扶健體臨
明鏡肯恕貧兒
着浣衣曉院籠
燈來子女春臺簇

饌備甘肥親鄰拜看華堂宴笑口同誇壽母稀

新開北軒

舊住閒堂闢後軒焚香掃榻絕囂煩紅蕉花艷偏
當檻綠竹竿稀未滿園詩酒消磨皆往事琴書整
頓又今番晚涼移席歌秋興心跡難爲坐客言

同張曉岩樂塊然遊石門

高賢蹤跡杳難求石上泉聲依舊幽自創書堂迷
徑路常眠僧舍指墟坵峰高尚愛看雲立澗冷偏
宜避暑遊故國名山來勝友探竒不買五湖舟

秋堂漫興

閉關小飲養衰筋撲棗忙時累布裙夜榻風涼窗
未補秋園雨少竹難分自勾湖上收租簿人索村
間壽母文漫道歸來無冗事幾番約爽看山羣
柴車不駕自扶筇一脫朝衫事事鬆歲歉愁觀天
氣象年衰喜看母形容鮮红柿果迎新雁雪白蒼
花開晚蜂畫省風流渾忘却躬耕還我舊山農
柴門竟日喚幽禽城裏茅齋樹亦深放廢慵穿新
製履生疎難理舊教琴多藏碑版無人鑒亂積書

長留集
函費手尋却悔閒愁盈竹簾燈窗辜負一生心
蕭條門戶不須嚴漏永心清興轉添未困還銷三
寸蠟微寒畧護一層簾霜榴擘破如珠落煮棗剥
來勝蜜甜助我秋宵閒課子玻璃遮眼閱書籤
三楹廳事倚槐根塵鎖朱輪舊蓋存戶外蜘蛛羅
白晝簷間蝙蝠出黃昏殷勤鄰客閒嘗酒老病班
人苦應門兀坐微吟秋又晚挑燈空話信陵恩

戲和無題詩

牆外西風夜夜秋何曾張緒減風流三年相對花

成樹兩院同看月到樓自是情濃心瑣碎不堪人
病事遲留只今半刻無消息能使潘郎雪上頭
底事沉吟未有期街西人靜月偏宜孤桐泛尾偷
挑鳳小紙藏頭暗製詩黃葉風旋聲不定紅紗燭
滅影多疑何嘗訂約須相待恐悞閒情偶到時
情有情無夜費猜珊珊小步最遲來衣衫偎坐神
偏遠笑語迎人意轉哀滿席笙歌燈照眼半窓風
雨手停盃此時同聽三更漏只是襟懷解不開
霜晨雨夕不知寒爲有情癡煖肺肝在座如留明

月照開簾似送好花看燈收棋散今秋恨酒淺歌
低昨夜歡繫我柔絲能幾縷生前剪去萬分難

甲申二月二十四日大雪哭六姪衍楷時亡

四日矣

桃李開時雪帶烟子規難喚短長眠挑燈夜奠招
魂酒剪紙春燒祭姪篇南阮宅邊無數草北邙松
下幾重泉那知垂白還鄉日滿眼飛花哭少年
弟兄哭向寢門邊冷粥昏燈見祭筵火化衣裳隨
冥篋雪埋花柳棄春鞭執巾爲爾添童女買酒憑

誰用紙錢寒食清明都不待踏青鞦向夜臺穿

端午有感

時餓殍載道

槐影搖風午日移空囊那得酒盈卮眼昏喜對開
榴處人病驚逢採艾時湖麥芒乾收早穗原蠶簇
破絡新絲獨憐四野春魂散五縷纏成續命遲

蘭堂觀蘭大宗翊宸上公命題同家宏輿博
士振路儲公西銘博士顧天石章鼎可諸
君分韻得崇字

迴嶺長林山更崇蘭堂景與會稽同秋泉冷瀉黃

磁斗春雪輕彈綠綺桐寫出元人烟灑落吟成楚
客月朦朧偏宜短榻花前臥香到華胥枕竅中

九日登大庭庫

百尺高臺萬古荒淡烟疎樹動微涼郊原欲雨秋
山翠場圃臨風晚豆香白髮倉皇催暮景黃花嬾
情悞重陽那堪客散江湖濶對酒懷人似憶鄉

勝果寺晚柳

勝果何年古寺墟幾行柳傍野人居沾來密雨秋
常滴結住濃烟夕不除酒幔纔收人過盡鴉羣未

宿月升初垂垂亂影憑誰看斜帶西風拂草廬

東村漫興題二姪衍榘齋壁

湖田遠似午橋莊小步閒吟綠水旁曉雨輕爲花
沐浴春風軟作柳衣裳看山眼近如身到煮酒香
濃勝口嘗最喜鄉鄰多子姪尋常留飲坐書堂

自壽

不晴不雨悞秋耕婚嫁茫然類向平薄酒堪嘗纔
反魯晚花可採莫思京無多等輩聯花甲尚有高
堂喚乳名乞得身閒依膝下斑衣真較袞衣榮

清秋行坐帶微疴，煖壽偏宜氣候和。
莊客爭門來餉，饒書堂掃地列笙歌。
思量舊友凝神久，感觸歡場忍淚多。
廿載還鄉逢歲儉，一身渾是鐵消磨。

大宗翊宸上公見惠藏酒志謝

一開缸面味清醇，喜是家藏泗水春。
正對菊籬今日送，不知雪窖幾年陳。
香噴老屋無寒氣，紅上衰顏似俊人。
從此賓朋多戀坐，詩成碁罷夜三巡。

寓任城南郭有感

青蓮醉去幾時還，一簇樓臺壓水關。
千里船來春

樹杪萬家客，寓月河灣親求藥。
引無真酒細踏墳田，盡假山惟有南池。
堪避熱市兒爭坐，不曾閒。

風雨車中作

海雨山風拂面斜，車中擁被冷偏加。
閒身擬學耕牛慢，聾耳從教社鼓譁。
一對纜來茅舍燕，三分未放杏林花。
衝寒酒價村村貴，悔換春衣只盼家。

投宿孫墅親家宋處士

馬蹋春泥到草堂，故人留對瓦燈光。
厨中黍飯如烹鼎，窗下牛衣勝臥牀。
百草齊生三月雨，千愁爭

赴五更腸還家徒壁依然冷誰信相如遇漢皇
過郡城灞口久立有感

春城古渡暫徘徊密雨濃雲午未開立馬看山雙
眼去隔牆攀杏一枝來何曾世事依書本只合行
囊帶酒盃此地便宜安榻醉綠楊隄外盡塵埃

歸家夜坐

古槐門巷冷於秋人看歸來季子裘對雨昏燈三
鼓話無柴濕竈一牀愁耕耘未足供親膳姓字偏
勞記御舟盡道君王能造命馮唐頭白未封侯

三月大雪

踏青時節變春寒曉雪連空隔幕看烟氣纔生厨
戶牖人踪未到井闌干休因硯凍詩期改但恐花
遲酒甕乾且閉重門高枕臥山城薪米似長安

雪晴

清明節近一錢無春興逼人憶舞雩正是醅濃堪
入榨肯教雪霽不攜壺飄紅過眼風前杏變白驚
心老去鬚檢點當年遊伴少農忙亦乞恕狂夫

清明北郊

積雨消磨大半春今朝晴色引遊人凍泥踏去難
禁履寒酒攜來竟入唇已覺時流嫌老態不因困
境悞芳辰雕輪玉轡何曾見十里青山觸眼新

看花至富村登亭亭山午飯

即馬鞍山

林水人家畫不成閒登山半看春耕麥留青隴容
車轉杏出紅梢與座平嶺上塵飛嫌驛路天邊水
動愛湖名村翁此處邀中飯一飽能教四體輕

飲富村孟氏花圃

主人爲圃老心情竹院荷池事事精鬪酒偏宜分

席坐尋詩最愛繞籬行陪來鄰友須攀話乞得花
芽不記名自厭追隨城市客歸鞭亂響野禽驚

魯城東北杏花下小飲

老去心同泛水鷗杏花開處偶然留蹋殘青隴迷
雙眼穿入紅林落滿頭温李詩情渾未減徐黃畫
意不勝收夕陽扶醉無人看獨憶春風舊酒樓

林西村前後杏花停車次兒衍誌侍

春事關心第一忙杏花村巷午風香一枝殘白剛
臨水幾樹新紅最近墻立馬催兒吟截句停軒沽

酒送斜陽牧童圍看清狂老踏損青苗似劇場

冒雨尋顏村桃花

花裏行來氣味甜前村樹密雨纖纖犁耕煖土翻
紅瓣酒賣香風蕩翠帘一路蒸霞連嶺後幾層爛
錦出樓尖車中老興難消遣儘濕春衫不下簾

天晴再過顏村看桃花車上吹簫飲酒

花照晴空似麗人煖烟別做一番春紅綃迎面纔
張扇脂印當風未破唇流水車輪簫並轉湧泉詩
句酒同醇行行已到天台路只見桃花不見塵

過魏東山先生墓

正德朝刑部
侍郎名紳

桃花塢畔臥豐碑亂草荒苔葬者誰嘉靖論文春
雨刷侍郎神道士人犁有孫去賣松楸樹無紙來
焚拜掃塚孤塚半邊智井黑當年劍佩野狐知

石門僧送楷芽

山寺門前氣候和楷芽早薦喜僧過袖攜冷翠沾
嵐重紙裹柔黃帶露多亦有旗槍同顧渚須加鹽
豉效東坡鄉園無數尊鱸味解組嘗鮮鬢已皤
看後圃海棠高五丈大三圍明景泰時詹事

長留集
祖手植

驚見名花客與顛隔隣紅氣與樓連脂分漢殿三
千女霞抹春城一半天爛熳粧成誰敢妬朦朧睡
去那須憐料知不愛時人賦管領東風二百年

冒雨過石門山後由橫嶺口轉寺前

山尾山頭拖翠長吟鞭搖雨路蒼蒼不成村舍三
家住稍有田塍半段荒鋪地雲容如海市遮天峰
勢似邊牆溪迴嶺轉無窮態直到門前見夕陽

登玉笋峰

幾攢青翠出群山鼓興親摩未肯還屐齒蹋開雲
骨冷袖頭拂下蘚花斑朝天真見笏同樣削玉難
爲笋一般逢着樵人閒指點千尋尖處有誰攀

宿河夾店夜雨

愛卜林塘世外幽爲農無力反增愁千峰樹隱村
東角兩水沙崩路北頭地瘠頻教租戶退糧遲時
有販車收燈前歎息窗前雨那計看雲更起樓

阻雨宿紅廟村贈話耕堂主人

嶺下寒流去路荒每遭風雨避山堂棋枰酒具更

長安集九
番樂盆草籬花揀樣香夜話常題修水澗春遊多
約看僧房石門林壑無窮課與我平分一半忙

家緘三世令招同陳力菴西園叔看堂前牡

丹

朱門深護洛陽塵開徹名花一縣春瓶裏猩紅薰
酒醞欄前鳳紫照袍新標題豈少青蓮調讌賞無
多白髮人不是琴堂容容醉天香虛度又經旬

咏剪白羅花

在北園賞
牡丹時作

飄風拂雨碎紛紛玉樹瓏璁態出群鬆灑青山渾

是雪零裁白練不成裙梨花謝後魂能返柳絮飛
來影莫分正賞濃春紅紫處誰憐縞素看文君

過桑園廢院

閒步桑園摘菜苗巫雲散盡惹魂消誰施鸞鏡觀
音院偶拾花錢正德朝巷裏紅梨留半樹門前綠
水瑣雙橋遊人不住東風緊惆悵尋春路一條

二姪衍榘邀過東莊看紅白薔薇時病目稍

愈

山園石榻淨如水紅白薔薇覆兩棚綵結巫山高

轟轟坊裁蜀錦碎層層蘭薰並體無濃淡脂粉爭
春費減增應是天工徵麗句花開不教眼曹騰

遊昌平南山螺螄峪

小徑螺旋東復西一林蒼翠四山齊藤垂道院重
重幕石接仙樓段段梯丹井通潮盆口滿劫塵積
世洞門低驚看墨跡苔牆上三十年前自手題

約友賞洙園芍藥

亭館蕭疎絕世蹤翻堦芍藥午香濃花擎密葉名
難識白間深紅樣不重苔徑曲隨詩友步石闌涼

透酒人胸春光婪尾偏勤賞離却樽前萬事慵

祖墓楷亭獨坐有感

拜掃墳陵自幼來亭邊今日思悠哉香龕春暗千
層樹神路年添一寸苔獨築廬存師弟慟長留楷
繫古今哀君王駐輦何曾少龍脉難生佐世才

南城樓看麥浪

占年望歲一登樓萬頃煙湖麥報秋晝浪不停黃
袞袞春波無盡綠悠悠平生險歷長江水今日貧
居陸地舟多少魚鱗隨上下漁翁且免曬曾愁

獨遊南泉浮香亭述懷

一叢烟雨似江鄉
亭在深林隔稻塘
楊柳綠濃高檻冷
薔薇花落小池香
沙停鷗鷺因魚靜
風轉桔槔爲水忙
誰道忘機須閉戶
閒行却得養生方
樂師徐浩然客死濟南火化而歸詩以哭之
人琴往矣恨如何
爲爾花前起薤歌
未定絃頭無處問
曾傳曲拍自今訛
末年困頓逢偏少
別路倉皇話不多
誰料適齊憂憤死
青烟一點骨消磨

歲稔志喜同人分韻

垂老逢年不厭勤
築場納稼日紛紛
新添犢健成三具
自乳鷄肥散兩群
見眼耕犁衝曉月
驚聾社鼓賽殘曛
杖藜行處何妨醉
酒價今年賤幾文

除夕有感

俗情消盡道情增
缺酒何妨學定僧
蓋世窮名詩未廢
積年衰鬢藥無能
泥爐守歲圍松火
草舍迎春試紙燈
誰寫紅箋驚老眼
桃符看換已多層

丙戌中春日偕弟姪飲洙園同顧天石分韻

繞郭連村翠四圍
濃春一半景依依
風吹岸草抽

茅早雪凍園梅展瓣稀貧病只憑消悶酒暄寒難
換適時衣歸休已覺心情減纔聽笙歌興又飛

路經富村少憩沽飲

孟母叢祠枕水涯風光勝處即停車山遮夕氣偏
生翠杏映晴空不見花驛路踏青留過客旗亭貰
酒就隣家城中歸去無忙事儘臥春林到日斜

看洙園牡丹

亭臺不鎖待雕輪艷紫穠紅觸眼新席就芳菲休
問主花居富貴未嫌人擁根陌土香三里灌水園

丁醉兩旬莫負韶光當緊處再看芍藥是殘春

東顧天石

零落東風過禁烟傷春憶客午多眠難招燕子來
堂上儘教楊花到鬢邊書理存疑常折角詩題待
改未謄編如何咫尺艱良會阻絕桃源似舊年

天石

入桃源洞
去年始出

春暮過聊園留贈主翁是日戲爲鬪花局

吟詩送老百無愁偏愛園亭出力修引水須從小
轉折編籬不礙樹稀稠囊錢灑地同榆莢仕路輸

人似酒籌縱是歸休無管領鬪花局裏作班頭
過真定訪劉雨峰太守

驪歌一曲五年華京洛錢劉剩幾家罷社長愁詩
體變拋籌每憶酒人譁蓮開驛路城邊水蟬噪官
槐雨後花此處能容騎馬過郡齋仍似省郎衙

登陽和樓有感

接趙連燕路渺茫陽和樓上看烟光城圍綠水居
民少驛近青山過客涼面面荷香常到枕家家仙
吏各焚香誰知六月淹留意掃壁閒留墨兩行

恒陽旅悶同弟佃野分賦

半卷騷經次第吟恒陽何處散愁襟舊家書向塵
埃購廢寺碑從蔓草尋坐久偏能消晚粥眠遲最
厭展秋衾疎鐘緊杵蕭蕭雨併入空齋一片心

爲劉雨峰太守題卷

銀漢橫斜露不流梧桐影散一天秋微聞香氣生
庭角漸數蟲聲近枕頭有月能窺離合意無人解
話古今愁惟應小步尋佳句莫動鄉心更上樓

行役南來宿富村

愛山無力買山堂晚歇旗亭貰酒香人靜漸聞泉
歷歷月昏仍見樹蒼蒼名繮未斷牽春路詩債難
清繞夜牀自歎勞勞如過客馬鞍峰下解征囊

獨遊水南莊園亭

停車麥隴扣柴扉園閉殘春客到稀小檻風翻紅
芍藥疎籬路礙粉薔薇一方淨石閒臨水四面涼
陰暫解衣惆悵獨吟還獨步出門驚起乳鶯飛

過西園叔西郭新築題壁

沂南臺榭足烟光西郭新園景亦強流水過門深

澗響斜陽轉樹小軒涼眼寬偏喜山當座心靜何
嫌市近墻早晚看花城易入春遊不羨午橋莊

西園叔西郭新樓避暑同陳力庵壁六叔分

賦

滿牀酒具雜詩筒瀟灑仙樓暑氣空聽瀑不嫌西
郭市看山翻怯北窗風雨來綠樹濃陰外香出紅
荷卷葉中莫向竹林懷飲伴名心雪淡一般同

聊園消夏同陳力庵太守西園叔分賦

柴門臨水便生幽幾轉疎籬冷翠流有客醉吟皆

漫興儘花開落不關愁偶來拜石登新嶺再去
看松上舊樓十畝濃陰炎暑外應知居士號三
休之平陽過固關

蒼崖翠壑幾層環亂插危峰見固關徑窄難容
人並過城高不放雁輕還詩中邊勢雲烟秀畫
裏軍容劍佩閒却被秋風催感慨古來爭戰是
名山

龍窩寺

萬轉清溪透夕曛龍窩深處淨無垠竒開佛界
當峰現秀絕人寰自洞分寂寂苔階僧獨立重
重烟

寺磬微聞停裝欲訪安禪地恐抖紅塵污白雲

過索洲鎮

荆關畫裏步徐徐漸少紅塵境漸紆樹底村園
通驛路山腰樓閣接仙居炊烟便在雲來際汲
水偏當瀑響餘此是洞天幽絕地幾回回首意
踟躕

太谷署中族孫遠猷留飲觀劇有感

峰頭嶺樹阻鄉關到此停鞭破客顏簾裏開屏
圍小部筵前落燭照雙鬟客逢酒局家無異老
入歌場夢一般且對親知娛永夕前程未定幾
重山

太谷署中大雪畏寒之作
不堪衰鬢遠依劉度水穿山過暮秋野路還思尋
晚菊輕車那計帶冬裘迴風颯颯鳴窗紙密雪紛
紛壓縣樓寒較故園加倍早纔知客舍是并州

平陽署中送李瞻園進士還漢陽

剪燭西堂醉復吟見君雖晚戀君深楚雲濃處山
難認晉水涼時雪易侵隨雁去來無限路繫家南
北幾多心蕭蕭歲暮歸裝好可惜晴川非故林

平陽郡署主人贈袍

吟詩瘦盡沈腰存一襲霞袍竟體溫家去何愁羞
季子春遊直可傲王孫攤書倦後妨燈炮顧曲懼
時怕酒痕少在身邊多在篋信陵席上不言恩

除夕平陽署館同吳青霞劉岩遇弟佃野分

韻

微雪新晴逗晚煙同消旅况竹爐前已無寒氣能
侵夜不似春風尚隔年椒酒頻傳甘落後桃符已
換敢爭先惟愁觸景添鄉夢願得模糊一醉眠

戊子元旦客平陽

撥殘爐火製新篇爆竹催成六十年花甲難容官
曆上銜名不到御屏邊卜農燈結禾蔴穗祝母香
盤福壽烟老客能知春好處琴囊書篋就堯天

正月二十日填倉詩

是日閉門飽食曰填倉可
厭鼠耗或用二十五日

西京風俗重填倉早發厨煙萬戶忙不教千鍾飽
舊鼠須將五穀換新腸空囊積字何堪煮瘦腹堆
愁未可量恰館平原爲食客隨人哺啜亦無妨

正月三十日送窮詩

形影相依六十春何須久戀腐儒貧世還有主能

留客我已無家欲乞鄰半紙驪歌分兩手三盃祖
酒促雙輪勸君早出陽關道莫更回頭憶故人

二月朔日同吳青霞劉岩遇遊龍子祠分韻

遠隔紅塵世外幽宜人景物失鄉愁含烟店柳從
容發破凍山泉放肆流古寺春寒須載酒重巒雪
霽好登樓風雷龍子何年去遺事閒從父老求
滿眼新詩不費搜溪山勝地快同遊苔牆讀字無
遺處雪路尋泉到盡頭剪韭畦傍春味早賽神祠
下野人稠風光正是中和節社舞村歌看未休

清音亭

在龍子祠前
予有亭記

迴闌繞砌響潺潺亭在林泉最勝間喜送村醪來
父老怕看水碓轉機關花繁預選移春檻風冷難
當消夏灣欲趁晴光扶杖去不知雪界幾重山

金龍池

在龍子
祠後

一泓清碧在雲根鱗甲消沉失舊痕水底青苔梳
鳳羽石叢雪浪滾龍門塵纓未洗心先淨冰澗纔
開氣已溫只好臨流修禊社當年風雨莫重論

平陽署中同吳青霞劉岩遇弟佃野夜集即

景和蘇詩二月三日點燈會客韻四首

夢想梅花雪滿天空齋坐對水仙妍人如夜樹同
棲鳥情似春河久繫船爲客酒寬無幾郡出京詩
賤已多年今宵拈得東坡句何啻張燈月又圓
暄寒都似故園天漸老詩情減却妍潞酒盃濃無
醒客綿山路險絕歸船搜來韻事消今夜惹下春
愁自舊年那得雪融隨鴈去家人滿望花時圓
吟詩消遣困人天敢與時流較麗妍到郡親逢姑
射雪詣劉真比孝廉船輕違母膝逾千里小別山

堂已半年枕上還鄉仍快聚紛紛春夢不須圓
山
匆忙又過放燈天望幸山花滿路妍老去休思通
狗監貧來羞說宴龍船心灰諫草承平日淚灑歌
場落莫年似我清狂今不少七人圍得竹爐圓

平陽春夜官署西堂同劉岩遇吳青霞高大

立錢蔗山限韻

積得鄉愁不記層破除只覺酒無能歌牀細想前
身事閉眼空張半夜燈詩興發來如野草宦情消
去比春冰河東幕府無閒客欲話平生總未曾

中春夜月

春月宜人果勝秋上元纔過又當頭閒溫琴譜銷
官燭酷想梅花望驛樓雪鬢不堪銀鏡照冰輪偏
向紙窗流此時醉倒鄰牆客料得無人和四愁

二月過樂園同李子凝看牡丹爲顏肅之題

壁

池館春深到始知分添紅紫品多奇錦屏乍展徐
熙畫繡口爭傳供奉詩色艷開當窗敞處香濃釀
在幕遮時茅齋伴我銀瓶短未敢雕欄乞折枝

游大梁贈徐太守
使節當年一葦舟
江城湖寺悵淹留
斜吹雨點敲篷背
橫捲潮聲撼枕頭
買酒常行瓜步市
看雲獨止大觀樓
誰知垂老遊梁客
攜手南衙話舊愁

過儀封訪學正族孫留宴端午
暫解征衫一浣塵
吾宗相聚自情親
偶來君子還留廟
不見儀封更有人
香泛蒲觴開午宴
金包黍飯餽鄉鄰
臨河不渡君休勸
記得前身是逐臣

贈張鍊師

道林人少洞天寬
清課何年料理完
朝罷雀來牀脚臥
藥成童向手心丸
名山借錄經全部
遠島移栽松半壇
只此便非塵世業
何曾碧落有仙官

過睢州

州是睢陽古郡名
張巡祠下涕沾纓
桑田變後常憂水
父老存來但說兵
泥沒舊京車馬道
風吹新第管絃聲
殘荷繞郭行難盡
抵過餘杭一半城

宿鄆城喜晤溫載湄邑令

驛樓日落馬蕭蕭
潁水南流過幾橋
纔有新冰堅

曉路尚餘殘葉戀秋條停車最喜花鄰洛入縣偏
逢令似陶對設華筵談往事客愁旅悶一時消

拜光武祠堂

前有攀
倒井

洛陽劫火幾番紅光武祠留古驛中碧井長流親
汲水朱欄猶護舊栽桐荒荒漫嶺行營路點點昏
鴉駐輦宮曾到富春山下望漁翁遺廟一般同

安陸步月過玉橋

郢州名郡與江鄰平展仙橋接渡津銀漢流來長
洗玉翠華輾去不生塵城樓壓市高于月路柳生

烟密似春誰記當年迎帝子豐碑有字告行人

題黃鶴樓後白雲樓

楚國江山魯客情樓頭詩在不須驚橫排北雁傳
寒信徧敞西窗對晚晴夏口烟波初悵望荆門雲
樹漸分明雲來鶴去何曾住留得騷人絕代名

遊黃鵠山冠霞亭

冬青樹裏石斑斑黃鵠峰高萬井環衙鼓稀聞烏
府靜軍旗低捲柳營閒寒烟市接無窮驛夕照江
通不盡山誰建危亭思拄笏落成筵散未曾還

遊洪山寺
烟波已快生平遊不及洪山一寺幽過嶺松林遮
塔院穿雲石磴入僧樓楚山蒼翠千峰出湘水空
明萬派流盪盡客愁開老眼兩層亭上景全收

臘月望日坐雨黃鶴樓喜家弟佃野同楚客

尤孔鑄章明旦翟柴門張耀宇攜具來陪

吹笛聯吟小飲成醉

連天寒雨上江樓滿郡青山坐處收有酒難消孤
旅悶惟詩能寫暮年愁晴川水際無遺樹芳草烟

邊失舊洲橫笛一聲同楚客昔人風物亦堪酬

武昌幕府喜遇裘殷玉稿多填詞

賓筵夜罷座微寒撥火論心似舊歡過眼春秋新
粉墨等身詞賦老波瀾不遊帝里投名刺或臥江
村把釣竿鼓角聲中偏下榻朱門應作草廬看
楚山遙繫剡溪舟白髮相如未倦遊烟月北樓因
憶謝琴尊西第好依劉曲中紅豆吳伶記卷裏黃
花晉史收名動江關休怨晚幾人長揖見諸侯

登晴川閣

重重烟樹客愁埋身到危欄倦眼開江上大蘇歌
雪浪窗中小李畫丹臺雄城山勢趨吳去鬧市人
聲過漢來獨嘆浮生無鶴翅臘殘還對楚江梅

再到黃鶴樓題陳鍊師壁

劫灰未到還丹處留得看雲眼一雙放膽崔詩書
滿壁駐顏辛酒買盈缸欄低能俯千層市牖小偏
通萬里江願與仙翁同鶴夢壇邊龍虎不須降

贈武昌館主尤孔鑄

流水浮雲去住迷三旬穩坐一枝棲劉完陶侃留

賓薦割及茅容奉母雞但苦歸裝無編贈還愁守
歲有詩題荆煙郢樹來時路每上江樓欲放啼

除夕晴川閣看雪柬李希文萬仰之兩太史

酒煮松盆醉幾巡半披鶴氅雪紛紛江通兩郡迎
官渡雲阻千山望母人對市桃符爭炫眼叢船爆
火各驚鄰洲邊應有昏燈客羨我晴川閣上春

庚寅武昌開府元旦獨坐

畫角聲中一榻孤閒開倦眼看桃符盃中酒醞紅
歸面鏡裏愁濃黑避鬚有限歸期憑曆檢無多拜

客省人扶寒山平列朱闌外似展王維雪霽圖
小齋瓶梅折枝徑丈
春來不復憶江鄉甕貯梅花如許長野老折枝千
種態美人試粉一身香墻低剛着橫斜影屋小難
容綽約粧原是含章宮裏樹却令郊島費吟腸

紀夢

五月二十五夜夢亡友吳鏡菴閔義行喬
東湖又二友貌熟而忘其姓同過敝廬頗
怪倒屣之遲既見拜哭不起久之理別緒

刺刺不盡記也

枕上心思老欲枯故人生死異江湖聽殘黑月三
更漏睡醒黃泉五丈夫拜哭窗前聲哽咽立談燈
下貌模糊同人尚有應劉在杳杳多年夢亦無

拜泰山三賢祠有感

弔古人來拜廢祠三賢儒雅俱吾師高名受毀非
今日直道難行豈宋時不改松陰濃覆坐長流澗
水冷侵墀黃公化比文翁盛築起新堂滿壁詩

再晤陳射文

十載相思隔鳳城
髭鬚白盡不須驚
貧留廢稿充茅屋
病蓄陳茶注瓦鐺
示我齊烟新畫意
問君燕市古交情
濟時才具今誰讓
縱愛名山且漫耕

大庭庫送陳新庵劉荻江

大庭雲物不曾收
一度登臨一度愁
酒榼詩囊同戀客
白頭黃葉兩驚秋
偏憐衣薄霜來早
最恨天長雁去稠
楚水齊烟分賦處
勸君莫上仲宣樓

青州法慶寺喜遇荆庵和尚話舊

郡西蕭寺幾層烟
來爲名山不爲禪
老客塵衫如

舊日高僧雪髻亦多年
狂談綠竹千竿裏
微笑紅薇一樹前
宦蹟茫茫春夢醒
青州公案有人傳

萊郡九日二首

無端觸熱入朱門
淚滴黃花憶舊村
陣雁過城多亂響
片雲出岫有微痕
風高易使衰脾病
海近難教破絮溫
千里依人成底事
題糕時節更消魂
郡齋深處儘苔封
載酒尋詩興久慵
野菊移盆驚節到
官槐漏日覺霜濃
多情戀似辭巢燕
無益勞如釀蜜蜂
却悔出山爲食客
登高不見丈人峰

萊署秋夜

傷秋誰與訂歸期
牀下蟲鳴被冷時
未敢偷閒眠
養病那能分課臥
吟詩客居官署成
籠鳥事共庸人若
亂絲剪燭商量風
雨夜蕭然拂袖不
須疑

東萊二首

東萊幕下魯儒生
白髮何曾解世情
就日翻書嫌樹轉
閉門養病厭童行
肉雲翳眼還遮鏡
血紙嘔心又滿籬
每夜燈前填客曆
攢眉服藥記分明
羣鴉噪過海雲流
背客思鄉淚暗收
沸藥爐鐺添

夜課攪林風
雨壓更籌年華浪
耗初心悔胸臆
難行老面羞寄食
傭書原細事那能
魯史即春秋

東齋夜坐同齊萬野楊慮山話心

簿領東齋似吏寮
餘年拚向此中消
困童揮扇常停手
悶客張燈不待宵
入夜強陪隨例粥
登堂懶折侍班腰
纔知泛應無蘭臭
從此樽前話寂寥

移出萊署東齋詩以別之二首

官舍從來滄變桑
無端閒客戀閒房
風窗坐破春糊紙
潮地薰完友贈香
帶病辭衙頭更白
驚心撫

樹葉全黃旁人笑問何遷次逐隊平添世外忙
海上移家似葛仙鶴蹤何處不堪眠曾無姹女裝
兼輒亦有方書壓數肩滿屋牢愁今解脫半年歸
夢此纏綿臨行掃壁題還住未必詩名動後賢

移館考院和壁間學使者韻

瑣院深沉客到稀忙如簿吏對精微老提史筆書
還健病享官庖貌不肥冷榻眠時無好夢空囊住
處少危機三條燭盡秋窗曉那似衡文得意歸

甲午元旦

蕭疎白髮不盈顛守歲圍爐竟廢眠剪燭催乾消
夜酒傾囊分徧買春錢聽燒爆竹童心在看換桃
符老興徧鼓角梅花添一部五更歡笑拜新年

登大庭庫望春

大庭臺上一開襟白也遺詩浩蕩吟雲物常拖千
尺練松風仍奏五絃琴渾忘白髮堪愁事又動青
衫未老心韋曲杜陵都是夢春鞍芳草怕重尋

齋中盆梅

愛梅又怕漸開多已放三分奈爾何瘦影疎枝入

畫譜粉肌紅肉透香羅偏宜雪大春窗亮不待醅
濃醉臉酡紙帳孤眠吟一夜可能得句贈湘娥

送汪蓉洲南歸步留別原韻

五陵歸興未蕭條人戀汪倫暮復朝倒盡殘樽消
海氣裁成新賦湧江潮柳沾曉露絲纔重禽飲春
流語漸嬌應有離愁隨去馬吟鞭獨向驛亭搖

郊外小飲看杏花

偷閒出郭日西斜五柳偏尋處士家酒過牆頭誰
問主杏交枝底那分花不曾詩興隨年減但覺春

愁對景加扶上柴車還訂約醉腸忘却事如麻

兗郡息馬地龍蟠松

繫馬來看古廟松方知松是蛻鱗龍已成頭角何
愁化自會飛騰不願封風捲驚濤天半冷雲盤偃
蓋殿前濃栽時歲月無人記仙客碁臺有字蹤

垂柳

斜陽影下駐雕鞍吟殺行人得句難臨路垂絲如
有意隨流撲絮也無端烟收軟翠晴纔煖風破輕
黃曉又寒張緒王恭都不似羅裙摺裏借腰看

殷祈章孝廉下第過訪曲阜留飲即送南歸
鶯林柳苑賦篇新金盡誰羞季子貧客路行吟燕
市稿花時走看舞雩春三杯冷煖談遺事廿載存
亡問故人正是烟波烟草綠送君時候易傷神
海棠
老客看花近眼真海棠着色最停勻天然頰粉臨
窗曉畫意腮紅入鏡春錯向歡愁尋態度畧于醒
睡得精神廣平纔賦園梅後不信東隣又美人

尼山觀川亭

石磴松林列翠屏欲收全勝平登亭漫漫沙澗源
通脉叠叠山多勢抱靈雲樹總離詩景象烟巒不
入畫丹青獨留太古淳龐氣付與時賢說六經

三月三日佃野族弟招集溫泉修禊

燕未成巢麥未稠多君禊事按時修冠童更代休
驚老觴詠循環且破愁柳繞堤來連魯郭泉漂花
去到沂流舞雩人散蘭亭續不記春風第幾遊

上巳席散款留野坐度曲賭酒

修禊詩成興更賒移樽野岸影將斜滿村染綠初

濃樹半里消紅未謝花飲射人如爭蟻陣笙歌聲
似鬧蜂衙前賢沂水詠歸路少長何妨一醉譁

過聊園看牡丹小飲

深深花徑儘苔荒轉入濃陰見草堂
牆外渠流春未漲山頭石磴午仍涼
一欄紅紫爭姚魏兩院樓臺賽謝王
把酒莫論興廢事名園眼底記滄桑

顏肅之招飲貯清館看剪白羅

移樽池館綠陰中又賞羣芳最後叢
吳練零飄疑晚雪并刀細剪訝春風
亦知花信能催白未定人

情許壓紅都向藥欄分品第
淡粧留取伴衰翁

鶯

公子翩翩色出塵來無消息
住無因相爭楊柳驚鄰女
自護櫻桃罵路人綠樹深藏
曾怨雨紅窗早喚亦傷春
叮嚀只當閒簫管錯向侯門
話苦辛

聞子規

感物驚心怕細論幾番客路
幾農村每衝烟雨來春暮
更過園林叫月昏烏未醒
時巢寄夢花纔落處血沾
痕芳年易老誰無怨何況
飄零帝子魂

九日鄒蒨叔過飲草堂

登樓何處慰天涯魯國城荒又晚鴉
雨巷折巾來上客秋盆漉酒坐貧家
莫驚衰白人扶病且看新黃菊
試花怪得梁園聲價重傾囊好賦玉無瑕



長留集

孔劉合刻

五言排律目錄

送大司成吳楞香先生省親南歸 留別王
阮亭先生 四月八日寄園雅集趙天羽諫
垣限四十韻同人分賦 擬五臺應制二十
二韻

二

四尺八日

六尺

七尺

八尺



